

## Universitätsbibliothek Paderborn

**Refutatio Accusatoris Anonymi Damnatas ab Innocentio  
XI. Propositiones adscribentis Ordinum Religiosorum  
Theologis ac præcipuè Societatis Jesu**

**Estrix, Aegidius**

**Moguntiæ, 1679**

Propositio XXXVIII. Non tenetur quis sub pœna peccati mortalis restituere,  
quod ablatum est per pauca furta, quantumcunque sit magna summa  
totalis.

**urn:nbn:de:hbz:466:1-42472**

## PROPOSITIO XXXVIII.

**N**on tenetur quis sub pœna peccati mortali restituere, quod ablatum est per pauca furtæ quantumcumque sit magna summa totalis.

Hic vero accusator suâ autoritate utitur corrigitque Decretum impressum in Typographia Cameræ Apostolicæ, & pro his verbis per pauca furtæ, Flandricè ponit hæc, per parva furtæ; quod non fuerunt ausi facere Episcopus Castoriensis, & plures alii, qui Decretum in Belgio curarunt recudi: sed notwithstanding moti autoritate ratam habeamus correctionem.

Propositionis autorem facit Stephanum Baunium in *sum.* pag. 220. & quidem verbis claris idem docentem.

Imposturam lector videat. Baunius ibi in re disputatissima inter Theologos hoc unum definit, quod ultimum furtum minutum, quo completur damnum grave, non sit peccatum mortale; mox verò ait, inde quosdam confidere, non esse obligationem gravem restituendi summam minutis furtis acceptam. Non approbat illationem.

Porro doctrina illa Baunii de ultimo furto minuto, est sine dubio illorum omnium, qui negant minutis furtis multiplicatis peccari mortaliter, si absit intentio perveniendi ad summam

mam gravem, et si revera ad illam perveniatur. Atqui hoc Lovanii propugnarunt S. T. Doctores; Libertus Fromondus die 22. Aprilis 1652. Egidius Bajus die 19. Septembris 1630. illum vero qui restituere non potest, non peccare mortaliter ultimo furto complete materiam gravem Lovanii defendit Joannes Schinckelius die 22. Augusti 1653.

Hinc verò legitimam esse consequentiam (quam non admisit Baunius) non esse obligationem gravem restituendi illam summam gravem, defendendum Lovanii suscepserunt S. T. Doctores, Franciscus van Viane die 26. Februarii 1655. Ex delicto solum venialiter culpabili nasci obligationem restituendi, quando materia, aut damnum est grave, minimè convinces. Joannes Schinckelius die 23. Augusti 1655. si damnificans tantum venialiter peccaverit, ad nihil tenetur. Guilielmus ab Angelis die 25. Junii 1648. Ex delicto solum venialiter culpabili nulla nascitur obligatio restituendi, quando materia & damnum est grave. Atque in his omnibus ne quidem venialis obligationis mentio fit: de qua doctrina nihil videtur suboluisse Baunio.



P R O-